

ქ. თბილისი

09 ოქტომბერი 2014 წელი

ერთის მხრივ, შპს „ტრანს კავკასუს ტერმინალსი“ წარმოდგენილი მისი დირექტორის მოვალეობის შემსრულებლის დავით ოქროპილაშვილის სახით, მისამართი: ქ. თბილისი, თამარ მეფის გამზირი №15 (შემდგომში შემსყიდველი) და მეორეს მხრივ, შპს „პრაიმ ბეტონი“ წარმოდგენილი მისი დირექტორის ალექსანდრე სოკოლოვსკის სახით იურიდი. მისამართი: ქ. ფოთი, კოკაიას ხეივანი №1 (შემდგომში მიმწოდებელი). ვხელმძღვანელობთ რა, „შესყიდვების შესახებ“ საქართველოს კანონის მე-3-ე მუხლის „ს“ ქვეპუნქტის შესაბამისად და ვდებთ წინამდებარე ხელშეკრულებას შემდეგზე:

1. ხელშეკრულების საგანი

1.1 ხელშეკრულების საგანია შპს „ტრანს კავკასუს ტერმინალსის“ სახსრებით, საქონლის შესყიდვა, გამარტივებული შესყიდვის საშუალებით, წინამდებარე ხელშეკრულებით გათვალისწინებული პირობების შესაბამისად.

2. შესყიდვის ობიექტი

2.1 მიმწოდებელი წინამდებარე ხელშეკრულებით გათვალისწინებული პირობების შესაბამისად იღებს ვალდებულებას მიაწოდოს „შემსყიდველს“ 80 (ოთხმოცი) მეტრ³ ღორღი ფრაქციით 20-40 (შესყიდვის კატეგორია CPV-ი კოდი: 14212430) (შემდგომში საქონელი).

3. ხელშეკრულების ღირებულება

3.1. 1 (ერთი) მეტრ³ ღორღის ფრაქციით 20-40-ის, ღირებულება შეადგენს 20.00 (ოცი) ლარს დღგ-ს ჩათვლით.

3.3. ხელშეკრულების საერთო ღირებულება შეადგენს 1 600 (ათას ექვსასი) ლარს დღგ-ს ჩათვლით.

4. შესყიდვის ობიექტის ხარისხი და გარანტია

4.1. მიმწოდებელი იძლევა გარანტიას მასზე, რომ მის მიერ მოწოდებული საქონელი იქნება შესაბამისობაში წინამდებარე ხელშეკრულების მოთხოვნებთან.

4.2. მიმწოდებელი იძლევა გარანტიას მასზე, რომ მის მიერ მოწოდებული საქონელი იქნება ვარგისი შემდგომი ექსპლუატაციის მიზნებისათვის.

4.3. მიმწოდებელი იძლევა გარანტიას მასზე, რომ მის მიერ საქონლის მოწოდება განხორციელდება, ეტაპობრივად, შემსყიდველის მოთხოვნის საფუძველზე, შეუფერხებლად და დროულად, წინამდებარე ხელშეკრულების პირობების დაცვით.

4.4. შემსყიდველი უფლებამოსილია წარადგინოს პრეტენზია მოწოდებული საქონლის ხარისხის თაობაზე ამ ხელშეკრულების მოქმედების განმავლობაში. მიმწოდებელი ვალდებულია შეტყობინების მიღებისთანავე დაიწყოს მუშაობა გამოვლენილი ხარვეზის აღმოფხვრის ან შეცვლისათვის საჭირო ზომების განსახორციელებლად შემსყიდველის მხრიდან რაიმე დამატებითი დანახარჯების გაწევის გარეშე.

4.5. მიმწოდებლის მიერ ამ ვალდებულების შეუსრულებლობის შემთხვევაში შემსყიდველს უფლება აქვს თვითონ მიიღოს ზომები ხარვეზის გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხიდან.

5. საქონლის მიწოდების ვადა და პირობები

5.1 მიმწოდებელი ვალდებულია ამ ხელშეკრულებით გათვალისწინებული საქონელი, 80 (ოთხმოცი) მეტრ³ ღორღი, ფრაქციით 20-40 მიაწოდოს შემსყიდველს ხელშეკრულების გაფორმებიდან 15 (თხუთმეტი) კალენდარულ დღის განმავლობაში, ეტაპობრივად, შემსყიდველის ზეპირსიტყვიერი მოთხოვნის საფუძველზე.

5.2. საქონლის მიწოდება მიმწოდებლის მიერ განხორციელდება წინამდებარე ხელშეკრულებით გათვალისწინებული პირობების შესაბამისად.

5.3. საქონლის მოწოდების მისამართია ქ. ფოთი ნაბადას უბანი (ნაკვეთი 01/154)

6. შესყიდვის ობიექტის მიღება-ჩაბარების წესი

6.1 თითოეულ ჯერზე მოწოდებულ საქონლზე მიღება-ჩაბარება ხორციელდება მხოლოდ წინამდებარე ხელშეკრულებით გათვალისწინებული პირობების შესაბამისად, შემსყიდველისა და მიმწოდებლის მიერ

საამისოდ უფლებამოსილი წარმომადგენლების მიერ, შესაბამის მიღება-ჩაბარების აქტზე ხელმოწერების გზით.

6.1.1. მოწოდებულ საქონლის მიღება-ჩაბარების აქტზე შემსყიდველის მხრიდან ხელმოწერა უფლებამოსილ პირს წარმოადგენს:

- შპს „ტრანს კავკასუს ტერმინალის“ ფოთის ტერმინალის ტექ. ჯგუფის უფროსი რამაზ ბერაძე.

6.2 შემსყიდვის ობიექტის მიღება-ჩაბარების აქტები დგება ოთხ-ოთხ ეგზემპლარად, რომელთაგან სამი გადაეცემა შემსყიდველს, ხოლო ერთი მიმწოდებელს.

6.3. მიღება-ჩაბარების აქტის შედგენისას მიმწოდებელი ვალდებულია შემსყიდველს წარუდგინოს სასაქონლო ზედნადები.

6.4. საბოლოო მიღება-ჩაბარების აქტის შედგენიდან 3 (სამი) სამუშაო დღის ვადაში მიმწოდებელი ვალდებულია შემსყიდველს წარუდგინოს საგადასახადო ანგარიშ-ფაქტურა.

7. ანგარიშსწორების ფორმა და ვადები

7.1 ანგარიშსწორების ფორმა: უნაღდო ანგარიშსწორება, კონსიგნაციით, ეროვნულ ვალუტაში.

7.2 ანგარიშსწორება მიმწოდებელთან განხორციელდება მხარეთა შორის საბოლოო მიღება-ჩაბარების აქტის შედგენიდან 20 (ოცი) საბანკო დღის ვადაში.

7.3 ანგარიშსწორება მიმწოდებელთან განხორციელდება შემდეგი დოკუმენტების საფუძველზე:

- მიღება-ჩაბარების აქტი (დედანი);
- საგადასახადო ანგარიშ-ფაქტურა;
- სასაქონლო ზედნადები

8. „შემსყიდველის“ უფლება-მოვალეობანი

8.1. „შემსყიდველს“ უფლება აქვს, მოსთხოვოს „მიმწოდებელს“ შემდგომი ექსპლუატაციისათვის ვარგისი საქონლის მოწოდება, როგორც ამას ითვალისწინებს წინამდებარე ხელშეკრულება.

8.2 „შემსყიდველს“ უფლება აქვს, მოსთხოვოს „მიმწოდებელს“ საქონლის შეუფერხებელი მოწოდება, წინამდებარე ხელშეკრულებით გათვალისწინებული „მიმწოდებლის“ ყველა და ნებისმიერი ვალდებულების შესრულება და „შემსყიდველის“ წინამდებარე ხელშეკრულებით გათვალისწინებული უფლებების რეალიზაციისათვის ხელშეწყობა.

8.3. „შემსყიდველი“ ვალდებულია აუნაზღაუროს „მიმწოდებელს“ ხელშეკრულების ღირებულება ხელშეკრულების პირობების შესაბამისად.

9. „მიმწოდებლის“ უფლება-მოვალეობანი

9.1. „მიმწოდებელი“ უზრუნველყოფს „შემსყიდველისთვის“ წინამდებარე ხელშეკრულების პირობების შესაბამისი საქონლის მიწოდებას შემდეგ მისამართზე: ქ.ფოთი, ნაბადას უბანი (ნაკვეთი 03/0618).

10. ხელშეკრულების მოქმედების ვადა

10.1. წინამდებარე ხელშეკრულება ძალაში შედის ხელმოწერის დღიდან და მოქმედებს 2014 წლის 15 ნოემბრამდე.

11. ხელშეკრულების პირობების შეუსრულებლობა

11.1 ხელშეკრულებით ნაკისრი ვალდებულებების შესრულების ვადების გადაცდენის შემთხვევაში, ყოველი დაგვიანებული დღისთვის, მიმწოდებელს ეკისრება პირგასამტეხლო ხელშეკრულების საერთო ღირებულების 0,1 %-ის ოდენობით. ამასთან, პირგასამტეხლოს დარიცხვა შეწყდება მას შემდეგ, რაც დარიცხული თანხა მიაღწევს ხელშეკრულების საერთო ღირებულების 5 %-ს.

11.2 იმ შემთხვევაში თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 3 %, შემსყიდველს უფლება აქვს შეწყვიტოს ხელშეკრულება.

11.3 მიმწოდებლის მიერ ხელშეკრულების შეწყვეტის შემთხვევაში, მიმწოდებელს ეკისრება პირგასამტეხლო ხელშეკრულების საერთო ღირებულების 5%-ის ოდენობით.

11.4 ხელშეკრულების ფარგლებში გათვალისწინებული პირგასამტეხლოს მაქსიმალური ზღვრული ოდენობა, რომელიც შეიძლება დაეკისროს მიმწოდებელს, შეადგენს ხელშეკრულების ღირებულების არაუმეტეს 5%-ს.

12. ფორს-მაჟორი

12.1 წინამდებარე ხელშეკრულების საფუძველზე არც ერთი მხარე არ აგებს პასუხს მეორე მხარის წინაშე და თავისუფლდება პასუხისმგებლობისაგან საკუთარი ვალდებულებების შეუსრულებლობის ან არასათანადოდ შესრულების გამო, თუ ამის მიზეზი გახდა საგანგებო ხასიათის მქონე გადაულახავი ძალა, რომლის წარმოშობაზე ხელშეკრულების მონაწილე მხარეები პასუხს არ აგებენ და რომლის არსებობის ან წარმოშობის შესახებ წინამდებარე ხელშეკრულების დადების მომენტში არ შეეძლოთ სცოდნოდათ.

12.2 გადაულახავ ძალად ჩაითვლება შემდეგი (და არა მხოლოდ):

ა) სტიქიური უბედურებანი (ხანძარი, წყალდიდობა, მიწისძვრა, შტორმი და სხვა);
ბ) გამოცხადებული ან გამოუცხადებელი ომი, სამოქალაქო არეულობა, ნებისმიერი სახის საომარი მოქმედებები, საგანგებო მდგომარეობა;

გ) ეპიდემიები;

დ) ბლოკადა ან ნებისმიერი ეკონომიკური ემბარგო;

ე) ხელისუფლების ნებისმიერი ერთეულის ან ხელისუფლების მიერ საამისოდ კომპეტენტურად განსაზღვრული ორგანოს გადაწყვეტილება და ისეთი ნორმატიული აქტების გამოცემა, რომლებიც შემოქმედებენ მხარეების მიერ ხელშეკრულებით ნაკისრი ვალდებულებების შესრულებაზე და ცვლიან, წყვეტენ ან აჩერებენ წინამდებარე ხელშეკრულების დებულებებსა და პირობებს.

12.3. ფორს-მაჟორული მოვლენა დადასტურებული უნდა იქნეს კომპეტენტური ორგანოს მიერ.

12.4. ფორს-მაჟორული მოვლენების წარმოშობის შესახებ მხარემ დაუყოვნებლივ უნდა აცნობოს მეორე მხარეს მის ხელთ არსებული საკომუნიკაციო საშუალებებით (ტელეფონი, ფოსტა, ფაქსი, ელექტრონული ფოსტა, კურიერი და სხვა) და წარუდგინოს კომპეტენტური ორგანოს მიერ გაცემული ცნობა ფორს-მაჟორული გარემოების არსებობისა და ხანგრძლივობის მითითებით.

12.5. ფორს-მაჟორული გარემოებების შეწყვეტისთანავე მხარეები დაუყოვნებლივ აგრძელებენ ხელშეკრულებით ნაკისრი ვალდებულებების შესრულებას.

12.6. ფორს-მაჟორული გარემოებების არსებობის პირობებში, ვალდებულებების შესრულების პერიოდი შეჩერდება იმ დროით, რა დროსაც გასტანა ასეთმა გარემოებებმა, თუ მხარეთა შორის არ იქნა მიღწეული სხვაგვარი შეთანხმება.

თუ მხარეების მიერ ხელშეკრულებით ნაკისრი ვალდებულებების შეუსრულებლობა გაგრძელდა სამ თვეზე მეტ ხანს, თითოეული მხარე უფლებამოსილია ცალმხრივად შეწყვიტოს წინამდებარე ხელშეკრულების მოქმედება, შეწყვეტის სავარაუდო თარიღამდე არანაკლებ ორი კვირით ადრე წერილობითი შეტყობინების გაგზავნით (ან ელექტრონული ფოსტის მეშვეობით) ან სხვა ხელმისაწვდომი საშუალებით, რომელიც მიწოდებული იქნება მხარის მიერ იმ მისამართზე, რომელიც მითითებულ იქნა „შემსყიდველის“ პირველადი რეგისტრაციის დროს.

13. დაგები და მათი გადაწყვეტის წესი

13.1. ხელშეკრულების შესრულებისას მხარეთა შორის წამოჭრილი დაგები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

13.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

14. ხელშეკრულების პირობების გადასინჯვის შესაძლებლობა

14.1. წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები „შემსყიდველი“ ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

15. სხვა პირობები

15.1. მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.

15.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.3. „შემსყიდველი“ იტოვებს უფლებას შეწყვიტოს ხელშეკრულება, თუ ის 3 დღით ადრე წერილობით შეატყობინებს მიმწოდებელს ამის შესახებ.

15.4. ყველა ის შემთხვევა და პირობა, რომელიც გათვალისწინებული არ არის წინამდებარე ხელშეკრულებით, განიხილება და გადაწყდება საქართველოს მოქმედი კანონმდებლობის შესაბამისად.

15.5. წინამდებარე ხელშეკრულების ყველა პირობა და დებულება ვრცელდება და სავალდებულოა მხარეთა უფლებამონაცვლეთათვის, სამართალ-მემკვიდრეთათვის, წარმომადგენელთათვის, რწმუნებულებისა და მუშაკებისთვის.

15.6. წინამდებარე ხელშეკრულება მოიცავს მხარეთა შორის არსებულ ყველა წინასწარ შეთანხმებას და შესაბამისად წინამდებარე ხელშეკრულების ხელმოწერისთანავე ძალას კარგავს მხარეთა შორის წინამდებარე ხელშეკრულების ხელმოწერამდე არსებული და წინამდებარე ხელშეკრულების საგანთან დაკავშირებული ყველა დოკუმენტი, მიმოწერა და ზეპირი შეთანხმება.

15.7. წინამდებარე ხელშეკრულების ყველა დამატება, ცვლილება და შესწორების ყველა დანართი წარმოადგენს წინამდებარე ხელშეკრულების განუყოფელ ნაწილს.

15.8. თუ წინამდებარე ხელშეკრულების მოქმედების პერიოდში შეიცვლება წინამდებარე ხელშეკრულების მე-16 მუხლში მითითებული რომელიმე რეკვიზიტი, მხარე მოვალეა დაუყოვნებლივ წერილობით აცნობოს აღნიშნულის შესახებ მეორე მხარეს.

15.9. მოქმედი კანონმდებლობის ცვლილება, რომელიც ცვლის ან აუქმებს წინამდებარე ხელშეკრულების რომელიმე დებულებას, არ იწვევს მთლიანად ხელშეკრულების გაუქმებას.

- 15.10. მხარეებს შეუძლიათ ურთიერთშეთანხმების საფუძველზე ორმხრივად შეწყვიტონ წინამდებარე ხელშეკრულება მისი მოქმედების ნებისმიერ ეტაპზე.
- 15.11. „შემსყიდველს“ უფლება აქვს ცალმხრივად შეწყვიტოს ხელშეკრულება მისი მოქმედების ნებისმიერ ეტაპზე, ან უარი განაცხადოს ხელშეკრულებით ნაკისრი ვალდებულებების შესრულებაზე, თუ „მიმწოდებელი“ არ ასრულებს ამ ხელშეკრულებით მასზე დაკისრებულ მოვალეობას.
- 15.12. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.
- 15.13. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.
- 15.14. წინამდებარე ხელშეკრულება შედგენილია 3 (სამი) თანაბარი იურიდიული ძალის მქონე ეგზემპლარად, რომელთაგანაც 1 (ერთი) რჩება მიმწოდებელს, ხოლო 2 (ორი) შემსყიდველს.

16. მხარეთა იურიდიული მისამართები და რეკვიზიტები

„შემსყიდველი“

შპს „ტრანს კავკასუს ტერმინალსი“
 ქ. თბილისი, თამარ მეფის გამზირი № 15
 ს/კ 202462101
 ბანკი: სს „ვითიზი ბანკი ჯორჯია“
 ბანკის კოდი: UGEBGE22
 ა/ა: GE21 VT65 0000 0007 7736 07

[Handwritten Signature]
 დავით თქოშვილი

დირექტორის მოვალეობის შესრულებელი



„მიმწოდებელი“

შპს „პრაიმ ბეტონი“
 იურიდ. მის. ქ. ფოთი, კოკაიას ხეივანი, №1
 ს/კ 215148551
 სს „თიბისი ბანკი“
 ბანკის კოდი: TBCBGE22
 ანგარიშის № GE35 TB07 1333 6080 1000 04
 საკონტაქტო ტელ: (+995 32) 2244868

ალექსანდრე სოკოლოვსკი

დირექტორი

